

第十一本

卷十九

人物上

78

儒林

孝友

文苑

卷二十

人物中

45

武略

義行

隱逸

流寓

嚴州府志

笑廬署

嚴州府志卷十九

人物

儒林

孝友

文苑

宋

喻樛字子才建德人少慕伊洛之學受業楊龜山博通經史登建炎二年進士第三人趙忠簡公居常山樛往謁之曰公之事上當使啓沃多而施行少啓沃之際當使誠意多而語言少公奇之薦除正字累官工部員外郎知蘄州孝宗卽位用爲提舉浙東常平以治績聞樛爲人質直好議論常言和議非便尤有知人鑒常以鼎元許沈晦張九成後果然有二女以妻

汪應辰張孝祥二人後皆登甲第淳熙七年卒所著有中唐大學論語解及玉泉語錄行于世

方慤字性夫桐廬人性至孝父死廬墓三年領鄉薦表進禮記解于朝詔賜上舍釋褐而頒其書于天下學者宗之居官以剛廉稱家置萬卷書堂雖老手不釋卷朱文公嘗曰方氏禮記解儘有說得好處不可以其新學而黜之

錢時字子是涪安人弱冠淹通經史以易領漕舉絕意仕進究以理學游慈湖之門爲高第弟子袁甫持節江東象山書院延主講席學者興起相臣

喬行簡之朝授秘閣校勘下有司令取所著尚
書演義學詩管見周易釋傳四書管見兩漢筆記
繳進未幾出佐浙東倉幕召入史館除檢閱丐祠
歸卒慈湖嘗爲書融堂二字門人稱融堂先生有
國朝編年春秋大旨百行冠冕冠婚記蜀阜稿嘉
定講書稿英烈廟實錄錦江雜著諸書行于世

詹儀之字體仁遂安人紹興二十一年進士乾道間
張宣公栻守郡呂成公祖謙分教儀之日以問學
爲事淳熙二年知信州時朱文公呂成公俱在鷺
湖往復問辨無虛日及帥廣東首以濂溪舊治立

祠曲江上疏論廣鹽官鬻之弊孝宗寔之除吏部
侍郎知靜江府代者中以飛語遂有兗州之行旣
歸而歿公論惜之

徐孝恭字季中涇安人與兄孝甯孝友杜門讀書五
經皆精究而孝恭尤深于易人號五經徐氏隆興
涇熙間兄弟聯登進士孝恭主德化簿政教兼善
士多從之

趙彥肅字子欽建德人天資孝友務聖賢之學窮理
盡性弗深造自得弗措也登乾道進士宰臣周必
大薦之甚力彥肅益以近名爲嫌仕至甯海軍節

度推官著有易說廣雜學辨士冠士婚饋食圖行于世朱文公觀其書嘆曰近世未有如此看文字者學者稱復齋先生

胡子廉滄安人自幼慎重不苟言笑弱冠博極羣籍不肯作舉子文字聞呂成公之學遂從之遊得其趣窮居樂道以終其身

方鎔字伯治滄安人兩魁郡試後棄去盡心聖賢知行之學每曰人與天地對立者文藝云乎哉日訓諸子所講明必以窮理盡性爲先至應事接物則以持敬實踐爲功二子逢辰逢振前後及第乃曰

吾昔以爲不足爲者爾曹勿謂足也歷官奉直大
夫兩淮制置司叅謀官

胡應璣字粹翁淳安人講明性理之學隱居教授不
求仕進著理髓三卷學者宗之

洪揚祖淳安人鎮東節度判官璞之子嘗從袁甫錢
時講貫義理之學以切直忤時調甯浦教授辟廣
西帥幕論嶺南買鹽及橫山以錢易馬事多所裨
益遷京教除太博置登書錄士多向風召試館職
除正字輪對者三懇懇以正心誠意啓沃君心自

號錦溪有文集若干卷

呂人龍字首之溍安人景定三年進士嘗授業錢融
堂之門講明義理所造日高胸次洒然有風浴詠
歸氣象學者因其所居稱爲鳳山先生有鳳山集
行世

陸震發字德甫溍安人少聰敏淹洽而尤明於春秋
溍祐中知州王泌薦之以親老乞鄉校官就養乃
授學諭嘗撰學記云人心本自虛明廣大無賢不
肖均具至理特患物于物而不能物物耳其修己
教人一本諸此著有春秋講義藁志一卷

方逢辰字君錫溍安人鎔子溍祐十年舉進士第一

初名夢魁理宗改今名累官吏部尚書因賈似道
擅權逢辰叩闕言時事辭旨激烈忤賈意遂謝病
歸元世祖詔起之辭不赴卒于家逢辰天稟卓絕
無書不讀而會極于周程朱子之學以格物爲窮
理之本篤行爲修己之要居官所至以教化爲先
務以繼往開來爲己任家居講學生徒常數百人
著有孝經解易外傳尚書釋傳大學中庸注釋格
物入門諸書學者稱蛟峯先生度宗嘗爲御書石
峽書院四字復賜手詔云近進士一科文章盛而
古意衰卿以儒碩創家塾以程朱之學淑其徒朕

甚嘉之其眷遇如此

方逢振字君玉逢辰弟學問亞于其兄登景定三年
進士歷官太府寺簿宋亡退隱聚徒講學于石峽
書院元世祖詔起之辭不赴終于家學者稱山房
先生

郭頤字養正壽昌人少孤貧勉學從呂成公遊登進
士精於易宦情淡泊終軍器監主簿築室於所居
之南號固齋讀書其中囊橐屢空宴如也

黃宗仁字榮甫涪安人涪祐進士官至司農少卿嘗
註經書學者祠之于石峽書院

何夢桂字巖叟澠安人幼穎悟從鄉先生夏納齋遊
咸淳元年廷試第三授台州軍判官改太學錄遷
博士倅吉州時廂軍鼓譟夢桂往諭遂帖然除太
常博士轉監察御史抗疏言時政甚切遷軍器監
以歸尋轉大府卿時事已不可爲矣元初薦授江
西儒學提舉以疾辭不赴築室小有源不復與世
接著書自娛有易行大學說中庸致用等書學者
稱爲潛齋先生祠之於石峽書院

錢允文澠安人從季父融堂先生遊研精義理尤善
屬文咸淳進士歷任武岡縣令嚴而愛敏而不苛

權豪有所犯執法不少貸由是強猾斂跡

徐文鳳字伯恭壽昌人從吳興陳本齋先生受春秋咸淳間屢魁胄監賜釋褐第二名知象山縣以慈惠稱至元革命隱居教子著有春秋捷指十卷

項庚老淳安人博通經史累舉進士不第教授鄉里其徒如方有孚邵桂子皆登科第

傅崧之字宗山壽昌人刻志好學通詩書戴禮弱冠以兩經領鄉薦鄉人尊之稱平齋先生咸淳四年與子明龍同登進士第而崧之爲榜眼授慶元觀察推官以內艱不赴服闋調平江觀察推官以勤

政卒

何逢原字文瀾分水人咸淳中累官中書舍人陳時
政十事言甚剴切已而引疾去至元中薦起不赴
卒于家逢原專究經史旁通陰陽星厯醫藥之書
著有易詩書通旨四書解說玉華集若干卷

魏新之桐廬人受業于方蛟峯得程朱性理之學登
咸淳七年進士除鄞府教授歸隱鄉里學者稱石
川先生

方一夔字時佐淳安人幼承家訓壯與何潛齋諸老
游學問該博行誼醕篤應薦領教郡庠未幾退隱

富山授徒講學門人稱富山先生有富山遺稿

元

夏希賢淳安人究明性理洞詣本原而會其極于象山慈湖之要杜門不出者三十餘年家貧泰然有古君子風學者稱之曰自然先生子清之大之潛之皆承家學

方道叡字以愚淳安人至順二年進士授翰林編修所撰后妃功臣諸傳筆削大義獨斷于心無能議者調嘉興推官凡讞獄必脫其桎梏賜之飲食溫言和氣以探真情再調杭州判官引疾歸著有春

秋集釋愚泉集詩稿詩說文說諸書

邵大椿字春叟壽昌人年十二領鄉魁赴南省不利
歸益勵志明子理學厯壽昌龍游教諭主晦菴書
院山長元初士子溺于辭章之習大椿倡明理學
以淑人心學者始知所趨向著有四書講若干卷
明

俞深字景淵桐廬人學問淵洽洪武中貢入太學太
祖幸學進講中庸二字累百數言深得啓沃義帝
稱之曰天下能說書書生厯甯德阜平汶上教諭
遷建甯府教諭三典文衡取士得人著有範疇解

聽松文集若干卷

張復字明善涇安人德性宏毅博通五經而尤邃于
春秋郡守親聘司訓郡庠學者翕然宗之稱爲書
隱先生著有春秋中的一卷至今論涇安春秋學
者必曰吳朝陽宋夢鼎魯道源張明善四先生云
洪源字子泉涇安人精春秋學洪武中以太學生授
安仁學諭專以明道務實爲先每謂諸生曰講學
須明聞道須行毋飾外以叨虛名厯教滁州邵武
福州持心如一日

夏巖仲涇安人家貧好學洪武間爲邑學訓導弟子

及門者隨其質之高下而成就之若主事方鵬布
政宋興司務何賦中皆其徒也

方定字志安溇安人洪武間以詩經領京闈鄉薦分
教東平州轉海州預修永樂大典陞長泰縣學教
諭所至造就有方有止軒集行世

余浦字士淵溇安人少穎敏好學與徐尊生交善著
作甚富以通經薦授本府儒學訓導轉國子監助
教致仕歸

王剛號慎齋分水人中正統戊午科鄉試任合肥訓
導陞任邳教諭引拔士類啟迪有方陞襄陽府教